

新
孝
語
林

新語林後序

楊泗州既歿二年。黎川陳君藻青以所著新語林相示。余與藻青同鄉里。族望相若。又世通婚姻。客於吳越者十數寒暑。始相見於泗州坐上。前未之識也。泗州爲人。神氣沖融。言語簡澹。有魏晉人風。諸奔走利祿謁人。莫得開說。世以是輒議其城府深峻。余往在京師。非文字之會。罕入府中。既退。乃會於滬。輒日與游宴。或博簫行彩選。藻青尤吹笛度曲。間及古今中外變亂之故。相與奮髯抵几。肝膽披露。無有纖翳。過從益密者。惟湘潭袁子伯夔與余兩人。藻青獨居嘉興。時復一至而已。泗州雅好劉義慶世說新語。嘗歎古今人才性不相若。藻青方擇近世人語爲新語林。每以並世朝士大夫爲問。蓋得於泗州者爲多。夫輒近數十年世變。日益亟。賢不肖於言行見之者十之八九矣。東晉六朝五代復見於今。而人物則遠不逮古。危殆亦益甚。卑卑無足齒數者。缺之。則不見一代。

顛覆之由存之。則爲作者雅言之累。語林之體。雖小說卮言。得失紛糅。劉知幾自鄙無譏。或所不免。藻青書旣成。惜泗州不及見之。然藻青著書之意。成於泗州一夕之談。從容誓約之言。良復可念。墓草已青。殺青方竟。覽藻青之書。有不能已於歎歎太息者矣。新建夏敬觀序。

新語林卷六

企羨

陳鶴。榮慕吳君遂清德學業。願執贄門下學詩。吳大喜。語人曰。猶昌黎之得張籍也。

陳吳俱見前。

林亮奇見石遺室詩話。對陳衍曰。尊著獨無二詩人。或不識之耶。陳曰。李拔可曾介二客相見。亦爲是言。乃夏劍丞諸貞壯也。互道傾想之意。君所言得無是乎。林曰然。

林名景行。福建閩縣人。衆議員秘書。

李名宜。福建閩縣人。舉人。江蘇知縣。

夏諸俱見

朱涵尹稅宅金閭。鄭叔向慕其高義。遷與爲鄰。以詞相切磋。叔向嘗過朱廬。值涵尹方晨。逕入書齋。手疆村詞朗誦。

亦鄭俱見前。

徐叟齋與袁容菴初不相識。一日。叟齋詣袁宅。昂然入書齋。容菴隔窗遙見一人自外至。神氣爽朗。起身迎之。詢知是淮陽縣館客。遂縱談古今成敗。中西異聞。不知者幾疑素有深情。僕從侍側。目睹以爲奇。叟齋辭歸。居停問何之。曰。聞人言項城有袁世凱其人。英邁之氣。咄咄逼人。特往訪之。果一卓絕之士。他日治天下者必斯人。

徐袁俱見前。

惲恭孚是毓鼎之子。年少風流。王聘卿見之於席間。驚問曰。是誰家子弟。河間曰。是惲四薇孫之嗣君。聘卿固抱伯道憂。因歎曰。吾若有子如此。君王氏家聲當益震矣。

惲名寶。京兆大興人。主事。破格擢授副都統。入民國爲國務院秘書長。

王馮俱見前。

林頌亭與林琴南初未相識。一日。投刺於其門。願執贄爲弟子。琴南驚曰。將軍非血戰得天保城。而長驅入石頭者耶。頌亭曰。不如先生所言。幸勝耳。琴南曰。野老不識貴人。將軍之來。何取於老朽。頌亭曰。請受古文。琴南曰。老朽之文。烏

能名文將軍不以爲劣者。自今日始。自是頌亭每三日必一至聽講。

林林俱見前。

黃克強宋鈍初素昧平生。一日遇於友人家。賓朋滿座。議論風生。獨鈍初向隅而坐。噤不一語。然英爽之氣溢於眉宇。黃私問人曰。此非宋鈍初乎。曰然。乃引介相見。抵掌談天下事。旁若無人。自是二人往還日密。卒成良友。

黃名與湖南長沙人。初以諸生就學於兩湖書院。倡民族主義。復遊日本。列名同盟會。實行革命。廣州之役。被鎗傷一指。民國成立。授陸軍上將。爲南京留守。

宋見前。

陳英士黃秀伯爲莫逆交。秀伯嘗過楊泗州所。盛稱英士之才。謂其人雖革命激烈。派然通時務。識俊彥。任俠可風。宿慕公道。高德修願。事以師禮。敢一言爲介。公許之否。楊笑曰。老朽不解事。共和元勳奚取焉。固辭不獲。始允一見。而不承爲師。越日。英士戎裝入謁。執禮甚恭。互相傾談。盡歡而散。

陳名其美。浙江吳興人。自幼習實業。德素有大志。竊肆欸述之日本。習法政。至則入同盟會。備言革命。而不諱。辛亥率同道數千餘人。圍攻江南製造局。彼執得解乃免。遂稱上海都督。共和統一政府任爲工商總長。未之官。旋被舉爲參政院議員。亦未出席。被暗殺於上海。

黃名中慧。江蘇江寧人。以

道員分直隸。嘗居長庚幕。授駐美國領事。

楊見前。

趙智菴歿後。袁項城實行總統制。張警菴對項城曰。斯人倘在。當可於樞府占一席。項城歎曰。智菴風度不可復見。甚似鳥之去其羽翼。

趙張俱見前。

唐少川有數女。一適楊某。一適張某。一適顧少川。辛亥議和席間。見王儒堂。悅之。知尙未有室。語王曰。余願以女配君。議將成。而其女暴卒。少川哭之慟。更以失一佳婿。悒悒不樂。

唐見前。

顧名維鈞。江蘇人。游學美國。得博士。歸任國務院秘書。調外交部參事。擢墨西哥公使。

未之任。調美利堅公使。

王名正廷。浙江奉化人。留學美國。得學士。歸國後。任湖北外交司長。擢

工商次長。權綱長。乞退去。被舉爲參議院副議長。

傷逝

麥孺博歿。梁任公爲詩八首以哭之。復爲長詩以祭之。纏綿哀感。悽惋欲絕。

麥名孟華。廣東南海人。與梁任公爲總角交。同學於康有爲。詩長不錄。

朱芷青方病。得夢。自知必死。貽書梁仲毅。託以身後。並與諸朋好訣別。曰。自問

生平無所長。惟富於感情。心光浩然可自信。仲毅曰。芷青了然生死之故。非恒人所可及。生有自來。於此益信。

朱梁俱見前。

林友蘭提倡教育。百折不回。積瘁之餘。竟以瘵卒。施學詩女士挽以聯云。先生從瀛海歸來。歷萬苦千辛。始有此桃李成陰。弦歌盈耳。弱弟在湘中奉贄。歎廿年一瞬。忍重話談經絳帳。問字玄亭。

林名可培。江蘇崇明人。舉人。日本高等師範畢業。嘗執教鞭於長沙某大學。施見賢媛門。

俞恪士歿。沈寐叟以詩悼之。詩云。食肉石遺廬。見君最後身。病餘意舒泰。氣乃溫溫春。貞疾恒不死。謂君易占云。吾衰心病乘。或居後來薪。前日座上客。今爲松下人。行前大笑樂。豈必非佳因。吾詩不怛化。願君返其真。而吾猶爲人。鬼伯訶逡巡。

俞沈俱見前。

江寧人爲蜀烈士鄒容開追悼大會。章太炎製一聯。作壁窠書。懸於場所。文曰。

羣盜鼠竊狗偷。死者不瞑目。此地龍蟠虎踞。古人之虛言。
章見前。

沈小沂與蔡師愚爲總角交。沈卒。蔡哭以聯曰。是縱橫排闔之才。睥睨到時流也。如太白當年。雅有狂名。驚海內。從陵谷變遷而後。淒涼悲故舊。一樣蘭成身世。祇餘詞賦動江關。字字實錄。情文並生。

沈名兆。社江西南昌人。舉人。積官道員。入民國爲總統府內史。外簡江西官鑛督辦。
浙江紹興人。官知縣。入民國爲肅政史。旋任江蘇政務廳廳長。

蔡名寶善。

吳佩伯才華英發。爲楊杏城姪婿。年未四十而卒。楊哀之曰。佩伯於社會爲名士。於政局爲良吏。於吳氏爲令子。於楊家爲賢婿。竟不幸如顏淵短命惜哉。
吳名慈。培雲南保山人。工書。精考校之學。以道員隨東督徐世昌任秘書。已而調北洋任官報局總辦。入民國仍舊職。朱家寶巡按直隸。其賢任爲秘書長。薦以道尹存記。

楊見前。

瞿子玖貌酷肖清穆宗。朝覲日。孝欽后見之。嘗嗚咽曰。卿與穆宗有虎賁中郎之似。余見卿如見帝。令余悲不自禁。鼎革時。子玖已罷官有年。避亂居海濱。集舊同僚流連觴詠。號稱逸社。馮蒿菴亦與焉。子玖歿。蒿菴哭之甚哀。有語云。寢

寐念周京。逸社詩成。每集逋臣賦鵲血。音容疑穀廟。舊朝夢斷。應追先帝挽龍髯。

瞿駕俱見前。

鄭叔問。朱彊村。結鄰吳下。日夕相過從。親熱逾於兄弟。鄭病終。幾無以爲殮。彊村爲文編告其知交。集資爲治喪。撫其遺稿曰。人亡而物在。

鄭朱俱見前。

楊泗州與徐東海交深而志同。徐旣任元首。決意以楊任揆席。連詞勸駕。有舍君其誰語。時楊方臥病。猶強起復電云。病痊當北上。未旬日而逝。訃至京。東海長慟曰。江左失夷吾。吾道益孤矣。

楊徐俱見前。

康更甦。亡命海外。子特無侶。與妾何旃理形影相對。晨夕共數。舟車偕行。寢食同享。臨水登山。佇月看花。據案則分讀東西之冊。執卷則互問中西之字。寫書畫則較論中西之短長。議政俗則互辨中西之得失。曉床未興。則擁報譯夜。

燈方篝。則挾冊低吟。十年如一日。既歸國。何卒於滬。康爲文哀之。悽惻動人。

康見前。

何另詳賢媛門。

林寒碧。旅居歇浦。薄暮徒行通衢。猝遇西人汽車撞跌。遽卒。一時與有雅故者。感悼惜之。沈滄園挽詩。尤悽惋翔實。

林沈俱見前。沈詩云。北海薦福生。中郎迎王粲。但自當俊才。何復計長算。體弱未爲慮。相孱亦可換。況秉玉立身。懸作戰幹腕。游學逾十年。豁然通一旦。派別費調停。朝夕抒論斷。畏道方叱馭。窮險日推按。豈有九衢通。遂或一蹶歎。利善無主字。邊流聽沿漫。昨携推敲詩。要我甲乙竄。出門使長往。訣題僅得半。賦老虛倚俎。殘碑待炊爨。李生。拔可。哀康出。我亦憐嵇鍛。好學今明無。銜冤誰並案。舊稿檢囊殘。老淚蓄日肝。百年亦幾何。惜此閨沙散。

王湘綺病篤。自知不起。命兒孫持紙筆陳臥榻。倚枕疾書云。春秋表未成。幸有佳兒傳詩禮。縱橫計不就。空餘高詠滿江山。書畢。溘然長逝。其子立懸諸靈右。愴然流涕曰。此吾父實錄也。

王見前。

蔡松坡起兵滇南。率師攻蜀。旣入成都。授四川督軍。乞病去。養疴東瀛。一瞑不

視謝敬虛哭之曰魯連仗義不帝嬴秦懸知東海乘槎爲逃上賞武鄉用兵亦在巴蜀試按四川遺壘同歎奇才

蔡見前

謝名遠涵江西興國人翰林授編修擢御史清末各省諮議局成立被舉爲江西諮議局議長入民國爲內務次長兼市政督辦

惲薇係精醫術黃秀伯之父憤之病危投一劑而瘳鼎革後憤國事益壞絕志仕進以歌白娛嘗現身舞榭及卒秀伯輓之曰優孟衣冠遺老恨歧黃薄石故人情

惲名毓鼎京兆大興人癸巳翰林授編修屢擢至侍讀學士

黃見前

楊霞蔚兄弟八人蔚霞行三其二兄士普四弟士驤七弟士銓俱前卒長兄士燮癸丑歿於津寓五弟士琦戊午歿於滬邸蔚霞哭之慟爲十五聯懸於靈右字字哀惋語語悲痛其一云生當我後死在吾先近來家運連遭五樹荊花都委地誕值春初病愁秋老賸有古姿偃蹇十年松柏枉參天更有那堪對影忽成三之句蓋感慨自身及其六弟士鈞八弟士驄也

楊俱見前

士驄字艾青以諸生納粟爲同知分江北累保之道員充清江銅元局總辦已而調

充兩廣官電局總辦。內用郵傳部丞參上行走。充京奉鐵路總辦。擢四品卿。授湖南財政正監理官。入民國爲衆議院議員。任革蕩營壘務督辦。

王无生與章秋桐友善。无生夙病肺。且勞於筆硯。精力漸衰。嘗曰。亭伯自知不壽。而相如無以爲生。及逝。秋桐歎曰。江南文士。又弱一個。

王名鍾麒。江蘇江都人。學問淹雅。嘗爲民立報主筆。與章秋桐彌契。因共組織。一句刊曰。獨立週報。專談法理。旁及政治。近世有名之雜誌也。著述甚秘。錄等書。

章見前

梁巨川。隱憂國事。久蓄死念。戊午秋。初投身京師。淨業湖。無論識與不識。咸悼惜之。林琴南輓之曰。不忍偷生。李懷麓無此勇決。居然蹈海。魯仲連尙屬空言。蓋湖之西岸一角。爲李懷麓所營也。

梁名濟。廣西桂林人。舉人。歷官至員外郎。入民國。未仕。臨死。遺書數萬言。皆以世道人心爲念。林見前。

丙辰之役。湯覺頓等議國事於海珠。飲彈而死。時稱三烈士。蔡松坡爲是役主將。聞報。哭失聲。挽以詞曰。才如碩果。國如累棋。希合而支持。乃聚而殲絕。君等飲彈。我亦吞炭。與生也廢棄。寧死也芬芳。未半歲。松坡亦病死。

湯名。嶺。廣東南海人。能文章。嘗爲國風報撰著。署名明水。民國四年。任中國銀行總裁。

蔡見前。

黃遠生。渡大陸。將研求新學術。甫抵美京。慘遭暗殺。其摯友孫少侯聞耗。爲聯哀之。曰。故國豈能忘。無奈歸來先鶴化。弋人何所慕。不教寥廓任鴻飛。遺骸歸國。日吊者咸淚下。

黃名遠。廬江西九江人。癸丑進士。授主事。遊學日本。研精法律政治諸學。嘗爲北京亞細亞報主筆。善作新聞論。有一針見血之概。著清室叢聞一卷。

湯濟武。旣下野。以美國爲共和先進。渡海考察其政績民俗。已定期返國矣。一日。飲於餐館。出門未數武。遇刺客以鎗擊之中胸。倒地氣絕。靈柩抵國。日吊者同聲曰。一棺戕身。萬事都已哀哉。

湯見前。

棲逸

毛實君退隱吳門。齊震岩偶因事如蘇。驅車往訪之。毛見面大哭。齊亦哭。二人哭已。互傾積愫。無一語及政事。

毛見前。

齊名耀琳。吉林伊通人。乙未翰林。授庶吉士。散館。以知縣分直隸。歷任劇縣。擢天津府。

知府。再擢津海關道。三擢直隸按察使。陟江蘇布政使。督河南巡撫。入民國。任吉林民政長。移江蘇巡按使。旋改任省長。

章一山。杜門息影。其友陳石遺對之曰。君不忘故主。甚似楊廉夫。因貽以詩曰。獨有會稽楊抱遺。悽吟天寶亂離詩。扁舟已就思鱸計。華表應疑化鶴歸。

章陳俱見前。

客有詣袁海觀者。於門外遇一長髮叟。御布衣。挾巨碗。蹀躞階下。問何爲。曰。丐耳。索碗視之。則精瓷也。問售否。曰。以此乞食。不願售。客曰。與若多金可乎。曰。丐舍乞食外。不知更有他事業。需多金奚爲。客異之。人以語袁。袁速之。人問姓氏。籍貫。叟曰。大地逆旅也。萬物芻狗也。更何里居姓氏可記。公解入。願勿以此下問。袁方手持鼻烟壺。以援叟。叟亦探囊出壺授袁。視之。則乾隆朝御製古月軒壺也。不禁撫然。叟出。袁目送其去。嘆曰。此古之傷心人也。

袁見前。

馬季立。隱居武昌。於菱湖邊買一屋。背山面湖。夏日荷花彌望。恍佳舟中。晚見隔湖燈火。不知其在城中。辛亥兵起。避走京師。意此屋或化灰燼。及返鄂。屋舍

依然馬大喜。以詩記慶曰。牽蘿補屋十年餘。長物全無祇破書。烽火已消松鶴在。依然綠蔭舊時居。

馬名貞榆。廣東順德人。舉人。歷充兩湖書院分校。存古學堂教習。京師大學校教習。治經通尚書左傳。能詩。

王石琴。貞整寡營。世變所觸。益與柄鑿。塊然斗室。日誦班馬書。自娛適。

王見前。

力醫隱。幼苦貧。隨父入山拾林中樸。歸供炊爨。顧有大志。語父曰。異日若買得此處田園。亦頗足樂。父呵之。後三十年。卒輾轉得焉。自是棄官。閉戶鄉居。研精歧黃。遂自號醫隱。

力名鈞。福建永福人。舉人。農工商部員外郎。

汪笑農。棄官而爲優。自號伶隱。初以明經膺鄉選。大挑用知縣。挾資走京師。置一妾。不知其爲皇室女也。事聞於諫垣。御史聯名疏劾之。例當處死刑。家奴私請曰。其無救乎。汪曰。救可爲。惟必有任其罪者。乃得耳。奴曰。能全主人命。奴萬死不辭。汪知其誠。乃出鉅資賄朝貴。坐奴買獻罪。而汪僅以失察褫職免。旣爲

伶終身不演穆成替死諸悲劇。蓋感奴之以義喪其軀。而深傷之也。

汪見前。

廉惠卿絕志仕進。嘗住宿山巔。讀書岩谷。枕白石。濯清泉爲樂。

廉名泉。江蘇無錫人。進士官部。曹藏書甚富。於京師。上海。西湖。建樓閣。皆曰小萬柳堂。

吳子修掩關高臥。理亂不聞。嘗懸一紙於書齋曰。不談政事。不接官吏。

吳見前。

歐陽竟無精通內典。諳習梵行。足跡所至。暢論佛理。深入人心。楊仁山居士逝世後。海內言佛事者。當推竟無自修最勤。

歐陽名漸。江西宜黃人。

八指頭陀披蘿爲沙彌。主持天潼寺。歲壬子。有人以計謀寺產。乃親詣京師。訴諸當局。爲勢所格阻。不得直。憤而垂淚。遽然示寂。先數日晨起。聞鴉聲感而賦詩。有句云。減余鉢中食。息彼人中爭。我身尙不有。身外復何營。是蓋絕筆也。

八指頭陀。寄禪。湖南長沙人。

左子屢性高潔。國變後。棄官隱滬濱。擁書高眠。鸞字瞻家。客問之曰。共和政體。